

▲命令▼

大元帥令

大元帥令

任命吳承慶代理交通次長此令

大元帥印

中華民國七年四月廿五日

大元帥令

令陸軍次長崔文藻

據呈交通次長一職碍難兼顧請假兩個月等情應照准此令

大元帥印

中華民國七年四月廿五日

▲函電▼

電

張陸軍總長開儒報告攻克南雄致大元帥電

孫大元帥鈞鑒頃接南雄來電昨日職團一三兩營及嚴營并各援軍攻克雄城今早八時敵軍約千人向我軍攻擊旋被我軍擊退正在追擊中團長楊其禮叩養印等語謹飛電奉聞張開儒叩養印

王天縱就鄂豫聯軍前敵總指揮通電

孫大元帥鈞鑒竊天縱與師討賊深慚後至近鄂豫聯軍黎總司令任爲鄂豫聯前敵總指揮已於曠日移駐三斗坪指揮前敵惟是才疎任重隕越堪虞諸公宏略匡時聲威素著天縱近在三斗坪設有行軍電報尙望不我遺棄時錫爾針俾資遠循臨電神馳不勝企盼王天縱叩

石青陽遵照否認非法七年公債致大元帥電

孫大元帥鈞鑒眞電奉悉北京政府違反根本大法既失政府之資格決無發行七年公債之權謹遵鈞命否認以免僉王營利實害國家謹覆青陽叩江印

四川靖國軍副司令兼攝嘉陵道尹陳炳堃唁程總長致大元

帥轉程總長家屬電

孫大元帥轉程玉堂總長家屬鑒玉公奉命率艦南來氣吞北虜護法靖國簿海同欽爲好人刺壤此長

城廂關共相前途痛惜老成凋零馳電哀悼以唁哲人四川靖國軍副司令兼攝嘉陵道尹陳炳堃叩

石青陽就滇川黔靖國聯軍援陝第壹路總司令職通電

孫大元帥鑒鑒奉唐聯軍總司令刪電內開茲特委該招討使兼充滇川黔靖國聯軍援陝第一路總司令等因奉此青陽幹材政干負乘之戒惟事關大計未便因辭特於養日在蓉西關就職刊送木質關防一顆文曰滇川黔靖國聯軍援陝第一路總司令之關防即日啟用以昭信守并就近與熊公及各軍將領商籌一切畧有頭緒即行遵候出發尙望時賜方俾無隕越不勝盼荷青陽叩效

黃以鏞恢復黔邊鹽源等七縣請加任命川南道尹致大元帥電

孫大元帥鑒以鑞在津沽謁先生數次均爲取民意報先生俟助之欸田梓琴同創國光新聞與總務同在天津起義爲國宣勞歷久不倦錫書敬重回念既與克強共血光愼重危險事克強畢竟善終鏞與熊克武渡河獨立在京津兩次被捕出獄後尙得生存仍與張煦在川首先宣告獨立午風竟以敗死再可歎矣四川甯七屬七軍長失敗以鏞率殘餘一百餘人退滇因派副官陳文正三人趕出電達滇政府及沿途駐防軍警圍甲不意至鹽源劣紳有志亨等調中所土司阿緒統蠻匪殺鏞一名殺傷李正已趙清遠二名鏞統衆經過處之烏木河艱之吉房二日遭曹阿漢夷匪窮追秘書李寶珊九名殉國以鏞之軍部重傷盾副帥又以雲所部損傷甚多損失甚重因而委鏞爲甯屬慰問專使准率兵恢復三月三號鏞命徐甯隊羅耀奎同時獨立營克復黔邊十一號得鹽源十七縣由徐兩支隊得西昌華封歌旅長同案得會理冕甯越雋昭覺蒲檄台宮陳逆遞迹敗走關城上川南此次肅清知注特聞張煦被陳逆毒斃慘

不可言特請以大將軍禮葬並優卹其家俾鏞公誼私情兩無遺憾衆覆西望何得主動自以鏞獲西甯七屬後七屬人民暨縣議會公電請熊川督但省長委鏞爲上川南道尹希由先生鈞府加委並拍電達知唐英帥及熊但二君及餘慰問專使衙署同縣會同志黃以鏞叩

四川省議會派聯合會代表劉揚等赴江寧會議通電

孫大元帥鈞鑒本會省議會聯合會代表劉揚楊重岳汪雨翁三君赴江寧會議已於十九日首途道經貴治請飭沿途軍警護送出境無任翹禱四川省議會叩號印

四川聯合會代表許揚來粵致大元帥電

孫大元帥鈞鑒揚承省議會舉爲聯合代表馳赴江寧擬遵粵中進謁敬頌教言其道途極滯滯阻行緩急之期行立待命許揚叩文印

▲公文▼

交通部次長崔文藻上大元帥呈

呈爲呈請給假事竊文藻現奉

大元帥命令任命崔文藻爲中華民國軍政府陸軍部次長直轄總務廳事等因奉此際此國事綢繆之秋軍政爲當務之急積極進行日不暇遑前蒙任命交通次長職務兼顧且邊防吃緊軍費浩繁各處軍隊紛向各方面搜提欸項以濟軍餉交通部所轄水陸各機關固有存欸然所入不多而衆矢叢集馬總長原有交通部所轄各機關欸項除整理路政外不得撥作別用文藻既忝任交通次長復蒙任陸軍次長一則軍政紛煩兼攝難周一則提欸時間迎拒不可種種苦衷難以縷述懇請

給假二月得以專力陸部所有懇請給假緣由理合具呈

大元帥衡核施行實緝德誼謹呈

大元帥孫

交通次長崔文藻

▲批 示▼

內政批示

批杜春發呈被誣冤押懇准交保候審由

呈悉爾製藥膏有無鴉片雜質候轉飭提鮮化驗至所請交保出外候審已令行高等審判廳迅查核辦矣此批

批黎銘泉呈控案撤銷懇催飭照判執行由

呈悉黎通孺控案已據情令行廣州地方審判廳查照辦理矣此批

批公民聯合自治總會代表劉名遠王蘭谷請立案由

呈悉查該會所擬簡章甚爲完善足見該會注重民生熱心國事披覽之餘嘉慰實深所請由部立案之處自應照准仰即切實進行共謀福利本部有厚望焉簡章存此批

批蔡燦呈封商舖懇飭准予撤封營業由

呈悉該商開設永合利盛記商店前被法廳查封業經呈由本部轉令廣州地方審判廳妥爲傳訊判結茲據呈稱確實証據十一款懇飭准予撤封如果屬寔情殊不憫仰候催飭該廳查明秉公辦理可也此批

批田喬控葉輝墀案由

呈悉此案又已令飭高等審判廳查明原案立傳訊結矣此批

批周謝氏呈氏子周孔璋被累淹押乞飭察釋由

呈悉爾子周孔璋如尙無串謀嚇騙情弊被累淹押情殊可憫至應否遽准釋放仰候轉飭秉公核辦可也此批

批羅熊燾等呈乞省釋曾楚善究治梁曉林由

呈粘均悉曾楚善梁曉林等應否分別遽准保釋並嚴行究治之處未便遽信一面之詞候飭查具報秉公核辦可也此批

批吳馮氏呈氏被誣淹押乞迅飭結案由

呈粘均悉爾子吳吉如果被入牽累淹禁未決情殊可憫候令行廣州地方審判廳查明迅結可也此批

批陳海籌呈挾嫌誣攀懇傳訊究由

呈悉漢中興戲班拖欠工金徐雨三陳卿壽等挾嫌攀累如果屬實應呈候法庭秉公辦理仰即遵照此批

批袁均呈誣拐枉判乞飭復審由

呈粘均悉該民既非誘拐幼女嚴湯氏何得意存捏陷惟曲直是非未便偏聽仰候大理院成立呈由該院依法審理可也此批

批李衍厚呈請駁回黃華炎公告由

呈悉此案既經廣東高等審判廳依法判決候大理院成立依法審理可也此批

批廣州律師公會會長杜之杖霍乃暉呈請准律辦理民事執行案由

據呈各節民事執行案件既非司法行政事務範圍自無限制律師到庭辯論之必要仰候令行廣東高

等審判廳及廣州地方審判廳遵照法令分別辦理可也此批

批袁盧氏呈因姪累蟻懇飭保釋由

呈悉袁良卿騙人財物如果該氏尙無串騙情弊自應免究所請開釋之處候轉令廣州地方審判廳查明飭違可也此批

批何伯祺呈請查封李鴻亭舖業由

呈粘均悉李鴻亭舖業應否進行查封之處候令行高等審判廳查明訊斷可也此批

批利培等呈染紙工業利權被奪乞飭判決維持由

呈粘均悉案經送廳訊辦候催飭秉公斷結可也此批

批黃桂岡呈被誣枉押乞飭迅予判決由

呈粘均悉黃少波等先後以串騙誣控致被枉押如果非虛殊屬胆妄所請省釋之處候令行廣州地方審判廳訊判可也此批

▲啟事▼

軍政府內政部啟事

啟者本部第一百四十四號第八十五號徽章現已遺失特登報聲明作廢無論何人拾得均作無効此佈

中華民國七年四月廿七日

內政部總務廳啟

▲廣告▼

○軍政府印鑄局公報處廣告(一)

本公報價目

一本報每日出版一號

二定購一月者定價大洋八角三月二元三角半年四元五角常年八元須先交報費

三國內及日本每號郵費半分南洋美洲各埠郵費酌加

四零售每號四仙

○軍政府印鑄局公報處廣告(二)

啟者本公報既出版數月來定購者日增無已茲除各行政公署及各公共團體送閱一份外其餘各個人恕不贈送愛讀諸公請函致本公報發行處定購可也此佈

中華民國七年二月廿八日

軍政府印鑄局公報處啟

○大元帥府參軍處啟事

啟者大元帥府之電話號數如左

秘書處二一零零

參軍處副官室庶務科二零四四

衛隊室二零六九

大元帥府參軍處啟